

اداره مخصوصه

درسعادتده ياب على جوارنده

محل اداره :

مُتَابِقَاتُ

اخطار :

مسلكنزه موافق آثار جديده مع المنونيه

قبول اولنور

درج ابدليني آثار اعاده اولنار

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شتون اسلاميه دن
بخت ايدر و هفته ده بر دفعه نشر اولنور.

درسعادتده نسخه سى ۵۰ پاره در

صاحب و مؤسلى :

ابوالعلا زين العابدين — ح. اشرف اديب

تاريخ تأسيسى

۱۰ تموز ۳۲۴

قبراه دن مقوا بورو ايله كوندربليرسه سنوى
۲۰ غروش فضله آلنير

آبونه بدلى

غروش

التى آينلى

سنه لكى

»

۴۰

۸۰

هر طرف ايجون

کیجه درسلی:

- ۲ -

قوت حاضر لامق

مقرری: موسی کاظم

محرری: اشرف ادیب

شربعتك دنيايه متعلق احكام اصلیه سندن بریسی ده قوت حاضر- لامق در . بوده ، استیذبالله (واعدوا لهم ما استطعتم من قوة) آیتندن مستنبطدر . « قدرتكز یتدیکی قدر اعدا ایچون اعدایه قارشو قوت حاضر لایک! » بو آیتده اعدایه قارشو قدرتمز یتدیکی قدر اعداد قوتله امر اولونیورز . بیلیرسکزکه امرلر وجوب ایچوندر . شو حالده بو آیت جلیله منطوقجه دشمنه قوت حاضر لامق بتون مسلمانلره فرضدر .

قوت ، زمانه کوره دکیشیر . هر زمانده عین قوت اولماز . چونکه بو عالم عالم ترقی در ، دائماً ترقی ، دائماً تحول ایتمکده در . بویله تحول حاصل اولدجه لازم کلن قوتلرده ترقی ایدر .

عصر نییده قوت : اوق ، یای ، قلیج ، فرس ایدی ، نهایت اک بیسوک قوتده کرز ایدی . هله قبلده اولورسه آرتق اک مکمل قوتده حاضر لشم اولوردی . چونکه اوزمان هرکسک استعمال ایتمدیکی قوت بونلردن عبارت ایدی .

صوکر ا بونلر دکیشه دکیشه ، ترقی ایده ایده شو حاله کلدی . بوکون قوت : طوپ ، توفک ، قروب طوپلری ، دو مانسز باروتلر ، مکمل ماوزرلر... طوپلرکده انواعی وار : ماقسیم طوپلری ، صحرا طوپلری ، جبل طوپلری ، سریع آنشلی طوپلر .. صوکر ا زرهیلر ، شمندوفرلر که بونلرده پک مهم قوتلدر . زیرا بونلر اولماسه عسکر بریره سوق اولنه ماز . یایا کیدیلیرسه بر آیلق ، ایکی آیلق مملکتلر وار ؛ اورالردن عسکر کتیرنجبه قدر خارجدن دشمن مملکتی استیلا ایدر .

دیملک که بوکون بزم اعدامزده ، خصملمزده نه کبی قوتلروارسه عینی قوتلرک بزدده بولنمی لازمدر . اوقوتلری اعداد ایتمه مز فرضدر ، واجب مطلقدر . واجب مطلقک مقدمه سی ده واجب اولدیغندن شو قوتلری احضار ایچون نه قدر مقدمات وارسه اونلری ده استحضار واجیدر .

بو قوتلری احضار ایچون نه کبی وسائط لازم ؟ دوشونه لم . اول باول معارف ... معارفسز بونلر میدانه کله مز .

چونکه جاهل بر قوم هیچ بر قوت اعداد ایده مز . او یله ایسه شو عصرده شو قوتلری احضار ایده جک علوم و فنون نه دن عبارت ایسه اونلری تحصیل ، شرعاً فرضدر ، واجیدر .

شو قدر که بتون امته واجب دکلدر ، فرض کفایه در . ایچمزدن بر قسممز شو قوتلرک متوقف علیهی اولان وسائلی تحصیل ایتملدر . بو ، بهمه حال لازمدر . بونک ایچون اوتنه دنبری مکتبلر اچلمش

واندن عالم جماله انتقالکه وعهد صحابه دن شیمدی یه دک کچمش و بوندن بویله دخی آخر الزمانه قدر کچه جک اولان اعصار دن هر برنده کرک آباء واجدادک ضمننده کی وجودک و کرک سنک بالذات وجودک جهتیله و کرک ککالات نبویه کدن استمداد حسیله کنندینه خاص بر مزیت بولدیغندن هر عصر وزمان بومزیت مخصوصه سی ایله دیگر اعصار وازمان اوزرینه افتخار ایلر و سنک هر عصرده ماقبلندن بالا و مابعدی اندن ارفع و اعلا مراتبک اولوب بومراتب الی مالانهایه تزیاید و اعتلا ایدر .

**

« انه لیغان علی قلبی فاستغفر الله » حدیث شریفک شرح و ایضا- حنده قطب ربانی ابوالحسن قدس الشاذلی سره حضر تلری شویله دیمشدر : « بوغین : غین انواردر ، غین اغیار دکلدر . چونکه ذات رسالت اب افدمز مراتب علیه ده دائم الترقی اولدیغندن قاب شریفلری اوزرینه انوار علوم و معارف توالی ایتمکجه بولندینی مرتبه دن ده عالی مرتبه یه ارتقا ایدوب ماقبلنده کی مرتبه نک اندن دون اولدیغنی مشاهده بیور- ملریله تواضعاً و کمالک تزیادینی طلباً او مرتبه دونه تلبس و مقارنتندن ناشی جناب حقه استغفار ایدر ایدی . »

فتحه ایله [غین] اورتمک و قاپلامق مغناسنه در . حدیث شریفک معنای ظاهری اعتباریله مآلی : رسول اکرم افدمزک قلب انورلری مدام استغراق اوزره ایکن حسب البشریه احیاناً امور دینه ایله اشتغال بیورلمسندن کنایه اوله رق مستور قالمسنه مبنی جناب حقه استغفار ایتمکلی مشعردر .

ذات نبوتیناه افدمزک بری برینه فائق بولنان مراتب علیه ایله ترفع و اعتلا ایتمدیکی ذهنه متبادر ایکن ناظم حضر تلریک بالعکس او مراتب علیه نک ذات رسالتیناه افدمزله علو و رفعت بولندیغنی بیان ایتمی ، چونکه ذات نبوتلری عالم امرده هیچ بر مخلوق ایچون میسر اولمیان اکمل کمال اوزره خلق ایدلمش و محضا مراتب علیه حضرت احمد مختار ایله شرفیاب اولمق ایچون عالم شهوده او مراتبیده مترقی اوله رق کلمش اولدیغندن مراتب علیه ذات محمدی ایله اشرف ایدوب یوقسه خلقة اکمل اولان ذات احمدی مراتب علیه ایله اشرف ایلمدیکی ایچوندر .

**

بیان اعراب و لغات : [تنباهی] فعل مضارع و مصدری اولان تنباهی تفاخر معناسنه در . [العصور] فاعل و عصرک چی در . عصر ایله بوراده زمان و دهر مراددر . [تسمو] علوم معناسنه اولان سمودن مضارع . [علیاء] اعلی نک مؤثی و [مرتبه علیاء] تقدیرنده اوله رق [تسمو] نک فاعلی در . [بعدها علیاء] جمله اسمیه و برنجی علیانک صفتی در .

برکت زاده : اسماعیل حق

بقیه سی وار

یا باز سه ق باش ایدمیز . قزاندیمز پاره پی اورویا به ویرم ؛ آلات وادوات، ما کولات، ملبوسات آلهم ... بو اولماز . بوکا پاره یتشمز . مملکت فقیر اولور ، پاره سز قالیر . یاشامق قابل اولماز . اما بونلری کندمز یاپار سه ق او وقت یاشایه بیلیرز .

دیمک که علوم و معارف اوله مایجه قوت و حق اسباب معیشت ده اوله نماز . حالبوکه بونلری استحصال واجب در . بناء علیه تحصیل علوم، تحصیل معارف ده واجب در .

ایشته بو نقطه بی ملاحظه ایدرک مکتبیری زنه ار تقییح اینه ملی . تقییح دکل، بتون اهالی بی مکتبیر کشادینه تشویق اینملی . جهلدر - مضرتدن باشقه - هیچ برشی حاصل اولمایور ، بزم چکدی کمز فلاکتلر ، حقارتلر هپ جهل یوزندن در .

شوزمانده اعدایه قارشو احضاری لازم اولان قوتلردن بری ده وبلکه برنجیسی ده پاره در . نته کم ناپولیونک «محاربه ایچون اوچ شی لازمدر : برنجی پاره ، ایکنجی پاره ، اوچنجی ینه پاره» دیدیکی مشهوردر که پک طوغریدر . چونکه پاره سز محاربه دکل یاشامق بیله امکان خارجنده در . پاره مابه الحیاتدر ، باعث نجاتدر . بناء علیه پاره قزائمق صاحب ثروت اولوق ده واجبدر ، فرضدر . چونکه اک بیو قوت پاره و ثروتدر .

ثروت نه ایله اولور ؟ شبهه یوقکه ینه معارف ایله . دیمک که معارف اولمایجه ثروت اولماز . حقیقه ده اولماز . چونکه ایشته طوپراق وار ، قوه انباییه وار ، یرالتنده معادن لایمده ولایحی ... شیمدی بو طوپراقدن استفاده نک یوللری بیله مزسه ک نه فائده ؟ نوح زمانندن قالمه برصابان ، ینه دور آدمدن یادکار بردوون . شیمدی انصاف ایدرک سویلملی ، بونلره اورویا به قارشو رقابت اولورمی ؟ دوشونملی : اک منبت اراضی بزده اولدینی حالده ذخیره یه اولان احتیاجی کندی محصولات داخلیه مز ایله دفع ایده میورز . دایما اورویا پانک اونلری ینه عرض احتیاج ایدیورز . اگر اوده سادن اون کلمه آج قاله چغز . بونک سبی ؟ .. بر کره فن زراعتدن بی خبرز . سوکرا وسائط نقایه مز یوق . بناء علیه کندمزی اداره ایده جک قدر محصول چیقاره مایز . وقتیه بو مملکتلر دنیا نک آنباری ایدی . سوکرالری معلوما سز لک یوزندن ، جهل یوزندن بو حاللره کلدی . یازیق دکل ؟ سوکرا بزده کی معادن حقیقه هیچ بر مملکتده یوق . بعض اجانب کلور ، برامتیاز آلیور . اوراده ایشله تیور ، معدنلری آلب اورویا به کتیریور . میلیونلر قزانیر . بزده اوفاق بر رسم ویریور .

سبی ؟ چونکه ایشتمسینی بیلمیورز . اوکا دائر علممز ، معرفتمز یوق .

شیمدی علم و معرفتمز اولسه اومیلیونلر بوراده قالسه ده ایی اولمازمیدی ؟

ایشته کوریلور که ثروت وسامان ینه علم ایله اولور .

مابعدی وار

بالخاصه مرکز خلافتده برچوق مکتبیر کشاد ایدیلیمش ایدی . مقصد کویا بو قوتلری استحضاره وسیله اولوق ایدی .

حالبوکه اولمادی . ملتک ترقیسنی حکومت آرزو ایتمیوردی ، چونکه بیلوردیکه ملت ترقی و تعالی ایدر سه اورویا دولتلرینک تعقیب ایتدیکی اصولی بونلرده تعقیب ایدرلر . او اصول ایسه اصول مشورتدر . مشورت کلنجه استبداد حکمنی یوروتنه مز ، بالطبع کیدر . استبداد کیدنجه بتون اودبدیه وداراتده خاتمه چکلیر . ناموسلی ، حیثلی ذاتلر مسعود ؛ ظالم ، منفعتپرست آلچقرده منکوب اولور .

حکومت بونی دوشوندی . ایشنه کلدیکی ایچون ملتک ، مملکتک ترقیسنه چالیشمادی . کریلمک نه قدر ممکنه اونی ایفاده قصور ایتدی . اورویا بونلرک (مکتبیری یوق) دیمسسونلر دیه یالاندن مکتبیر آچدی ، که اصلی یوقدی . اورویا به قارشو بر نمایشدن عبارتدی . داخله هیچ ایش یوق . ذاتاً بزم ایشمز ، کوجمز کویا اورویا آلدایمق و بوضورتله براز دها مستبدانه یاشامق ایدی .

حالبوکه آلدانه مازدق . برکت ویرسون ، رقابت واردی ده اوسایه ده شمدی یه قدر باقی قاله بیلدک . حکومت ظن ایدیور ایدیکه اورویا بزى آدم یرینه قویور .

— زیرا ایشته بزم مکتب حقوق ، مکتب ملکیه ، حریه وسائره کی برچوق مکتب عالیه مز ، وهر یرده اعدایه ، رشدییه ابتداییه مکتبیر مز موجود . ملل متمدنه نه وار سه بزده ده اووار . شو حالده بز ملل متمدنه عدادینه داخل اولوق . بناء علیه ایشمز یولنده . داخلده نه یاپار سه ق یاپارز ...

حالبوکه اورویا بیلیردی که بونلر هپ یالاندر . هپ کوز بویامه دن عبارتدر . فی الواقع بونلر کوز بویامه دن عبارت ایدی . زیرا مکتبیر آچقدن مقصد اصلی ، شو قوتلری استحضاره وسیله اوله جق معلوماته مالک اولوق ایدی . مکتبیر آچیله لی یتش ینه اولمش ، علوم و معارفدن هیچ بر نتیجه حاصل اولمامش . یالکمز محدود بر صورتده براز تنویر افکاره خدمت ایده بیلیمش . یوقسه ماده هیچ بر نتیجه یوق . علومک غایه سی ، بر طاقم صنایع استحصالی در ، یعنی اکتساب ایدیان معلوماتی صنایعه تطبیق ایتکدر . حالبوکه بزده هوز هیچ بر فن ، هیچ بر صنعته تطبیق ایدیه مدی . ایدلسیدی البته بزمده معمولات داخلیه مز براز ترقی ایدرایدی . حالبوکه ترقی شو یله طورسون معمولات داخلیه مزدن هیچ بر شیمز یوق کیدر . نته کم بر غزته بر رسم یامشدی ، معمولات داخلیه مز کی کوسستریور دی : برکوب یامش ایچنده بر چیلاق آدم صوقمش . دیمک ایشتیور که معمولات داخلیه مز بوندن عبارت . باشقه هیچ برشی یوق . یتش سنه دنبری کویا معارف باشلامش ، فقط مقصد اصلی حالا حاصل اولمامش .. بونک سبی ... چونکه جدی دکل . یالان ، اصلی یوق .

فقط بوندن سوکرا اولیه اولمایه جق . علوم و معارف تحصیل اوله جق ، سوکرا اونلر صنایعه تطبیق ایدیه جکدر . چونکه اولیه